



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԱՐԴՅՈՒՆԱՀԱՆՈՂ ՃՅՈՒՂԵՐԻ
ԹԱՓԱՆՑԻԿՈՒԹՅԱՆ ՆԱԽԱՁԵՌՆՈՒԹՅԱՆ
ՆԵՐԴՐՄԱՆ ԱՇԽԱՏԱՆՔՆԵՐԻ 2021 ԹՎԱԿԱՆԻ
ԵՌԱՄՍՅԱԿԱՅԻՆ ՀԱՇՎԵՏՎՈՒԹՅՈՒՆ
ՀՈԿՏԵՄԲԵՐ-ԴԵԿՏԵՄԲԵՐ**

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՎԱՐՉԱՊԵՏԻ ԱՇԽԱՏԱԿԱԶՄ

Նախարան

2021 թվականի 4-րդ եռամսյակում շարունակվել է ՀՀ Արդյունահանող ճյուղերի թափանցիկության նախաձեռնության (ԱՃԹՆ) բնականոն գործունեությունը: Եռամսյակը հիմնականում բնութագրվեց որպես Հայաստանի Հանրապետության և Համաշխարհային Բանկի միջև կնքված և 2021թ. հունիսի 28-ից ուժի մեջ մտած «Հայաստանի արդյունահանող ճյուղերի թափանցիկության նախաձեռնությանն աջակցություն. լրացուցիչ ֆինանսավորում» երկրորդ դրամաշնորհային ծրագրի՝ 500 հազար ԱՄՆ դոլար գումարի միջոցների օգտագործման վարչարարական ու կազմակերպչական հարցերի կարգավորմամբ:

2021թ. հոկտեմբերի 18-ին ԱՃԹՆ միջազգային Խորհրդին ուղղված ՀՀ արդարադատության նախարարի նամակով ՀՀ կառավարությունը հաստատեց իր պաշտոնական համաձայնությունը՝ մասնակցելու «Արդյունահանող ճյուղերի թափանցիկության ապահովում/ Opening Extractives» ծրագրին, որն իրականացնում է ԱՃԹՆ-ն՝ Օփեն Օուներշիփի (Open Ownership) կազմակերպության հետ համատեղ:

Հաշվետու ժամանակաընթացքը բնորոշվեց նաև ներկայումս ընթացող «Հանքարդյունաբերության ոլորտի զարգացման ռազմավարության» փաստաթղթի աշխատանքային քննարկումներին ԱՃԹՆ շահառուների, այդ թվում, ԲՇԽ-ի անդամների և ազգային քարտուղարության ակտիվ մասնակցությամբ: Ապագա փաստաթղթում ընդգրկելու համար շահառուները ներկայացրել են իրենց դիտարկումները, կարծիքը և առաջարկությունները:

2021թ. աշխատանքային ծրագրով 4-րդ եռամսյակում նախատեսված աշխատանքային միջոցառումների կատարման ընթացքի մասին ավելի մանրամասն ներկայացվում է ստորև: Աշխատանքների կատարումը նկարագրված է ըստ Աշխատանքային ծրագրում սահմանված նպատակների ներքո կատարված միջոցառումների բաշխման և երրորդ եռամսյակի համար սահմանված կատարման ժամկետների:

1. Հասանելի և արդիական տեղեկատվության ապահովում

Միջոցառումներ 1-7

Հաշվետու ժամանակահատվածում պարբերաբար թարմացվել է Հայաստանի ԱՃԹՆ-ի կայքը, դրա էջերում հրապարակվել են ԱՃԹՆ-ի ընթացքի, ինչպես նաև մետաղական հանքարդյունաբերության ոլորտի իրադարձությունների վերաբերյալ տեղեկություններ: Օտարալեզու օգտվողների համար կայքի կարևոր տեղեկատվությունը թարգմանվել է անգլերեն: Այսինքն, Հայաստանի ԱՃԹՆ-ի պաշտոնական կայքը մնում է որպես տեղեկությունների տարածման հիմնական հարթակ: 4-րդ եռամսյակում ԱՃԹՆ-ի տեղական և միջազգային գործընթացների, մետաղական հանքարդյունաբերության ոլորտի վերաբերյալ 3 լուսաբանող նորություն է հրապարակվել կայքում¹:

Հետաքրքրված շահառուները կայքի առցանց հաշվետվության հարթակում հրապարակված 2016-2019թթ. ԱՃԹՆ հաշվետվությունների հիման վրա կարող են հարթակի զտման² և գծապատկերների³ ինքնաշխատ գեներացման գործիքներով տեսանելի և դիդակտիկ ձևով ծանոթանալ ոլորտի ֆինանսական և տնտեսական ապագաբեզագված տվյալների հետ, և անհրաժեշտության դեպքում, կարող են համադրել դրանք նախորդ տարիների տվյալների հետ:

Հայաստանի ԱՃԹՆ-ի էջերը Facebook⁴, YouTube⁵ և Twitter⁶ ցանցերում մշտապես թարմացվել են: Աշխատանքային ծրագրով նախատեսված իրազեկման աճի միջոցառումներ տեղերում չեն կայացել՝ հաշվի առնելով COVID-19 համավարակային իրավիճակը:

2. Հաշվեպլոդականության և հանրային վերահսկողության բարձրացում, կոռուպցիոն ռիսկերի նվազեցում

¹<https://www.eiti.am/hy/%D5%86%D5%B8%D6%80%D5%B8%D6%82%D5%A9%D5%B5%D5%B8%D6%82%D5%B6%D5%B6%D5%A5%D6%80>

² <https://reports.eiti.am/hy/>

³ <https://reports.eiti.am/hy/graphics/>

⁴ <https://www.facebook.com/EITIArmenia/>

⁵ https://www.youtube.com/channel/UCx_9yOLmQCj_rwy2wYgRh6A

⁶ https://twitter.com/EITI_Armenia

2.1. Հայաստանի ԱՃԹՆ-ի անդամակցության կարգավիճակի պահպանում

Միջոցառումներ 13-21, 24-25, 27-29

ԱՃԹՆ-ի ազգային քարտուղարության կողմից 2020թ. 4-րդ եռամսյակում կազմված Հայաստանի ԱՃԹՆ-ի առաջին, երկրորդ և երրորդ զեկույցներում բացահայտված, ինչպես նաև ԲՇԽ-ի և ԱՃԹՆ-ի միջազգային քարտուղարության հետ քննարկումների արդյունքում արձանագրված մետաղական հանքարդյունաբերության ոլորտի իրավական և ընթացակարգային բացերի վերացման աշխատանքների ճանապարհային քարտեզի նախագիծը ԲՇԽ-ի անդամների և աշխատանքային խմբերի հետ կքննարկվի 2022թ. 1-ին կիսամյակում՝ որոշելու համար հարցերի քննարկման և իրականացման ժամանակացույցը և արդյունքները:

2021թ. նոյեմբերի 4-ին Տարածքային կառավարման և ենթակառուցվածքների նախարարությունում տեղի է ունեցել ԱՃԹՆ-ի ԲՇԽ-ի անդամների աշխատանքային հանդիպում, որի օրակարգում ՇՄԱԳ փորձաքննության գործընթացում համայնքներում հանրային լուծումների անցկացման հետ կապված խնդիրների քննարկումն էր: Քննարկման կազմակերպման առիթը ԲՇԽ-ի քաղաքացիական հասարակության խմբակցության կողմից Ուռուտ բնակավայրում և Գլաձոր համայնքում հանրային լուծումների հետ կապված հայտարարությունն էր⁷: Հանդիպման մանրամասները հասանելի են ԱՃԹՆ-ի կայքում⁸:

ԲՇԽ-ի նիստեր հաշվետու ժամանակահատվածում տեղի չեն ունեցել: ԲՇԽ-ի անդամների միջև անհրաժեշտ թղթակցությունը և քննարկումները տեղի են ունեցել էլեկտրոնային կապի միջոցներով:

ԲՇԽ-ի կազմում տեղի են ունեցել փոփոխություններ՝ պայմանավորված լիազոր պետական մարմիններում պաշտոնափոխության գործընթացներով: Մասնավորապես, 20.12.2021թ.-ից ԲՇԽ-ի կառավարության խմբակցության կազմից

⁷ <https://www.ecolur.org/hy/news/mining/13533/>

⁸

<https://www.eiti.am/hy/%D5%86%D5%B8%D6%80%D5%B8%D6%82%D5%A9%D5%B5%D5%B8%D6%82%D5%B6%D5%B6%D5%A5%D6%80/2021/11/08/msg-working-meeting-mtai/116/>

դուրս է եկել ՀՀ արդարադատության նախարարի տեղակալ Սուրեն Գրիգորյանը, իսկ հետևյալ անձինք համալրել են խմբակցության կազմը՝

- Տարածքային կառավարման և ենթակառուցվածքների նախարարի տեղակալ Հովհաննես Հարությունյան - 08.11.2021թ.,
- Շրջակա միջավայրի նախարարի տեղակալ Գայանե Գաբրիելյան – 23.07.2021թ.

ԲՇԽ-ի աշխատակարգում փոփոխություններ չեն եղել:

Հայաստանի ԱՃԹՆ-ի ներկայացուցիչները մասնակցել են մի շարք միջազգային և տեղական առցանց միջոցառումների և հեռահար քննարկումների, մասնավորապես.

- 1) Նոյեմբերի 4-ին Հայաստանի ԱՃԹՆ-ի ազգային քարտուղարությունը մասնակցել է ԱՃԹՆ-ի միջազգային քարտուղարության կողմից կազմակերպված «Անցում դեպի զուտ զրոյի. Արդյո՞ք արդյունահանումից կախում ունեցող տնտեսությունները պատրաստ են դիսկերի և հնարավորությունների» թեմայով հեռահար քննարկմանը:
- 2) Դեկտեմբերի 7-10-ը Հայաստանի ԱՃԹՆ-ի ազգային քարտուղարությունը մասնակցել է ԱՃԹՆ-ի, Opening Extractives ծրագրի, Օփեն Օուներշիփի (Open Ownership), Ինֆորմացիայի ազատության կենտրոն ՀԿ-ի (FOICA) կողմից կազմակերպված «Հայաստանում իրական շահառուների տվյալների վերաբերյալ իրազեկվածության բարձրացում» միջոցառմանը⁹, որի ժամանակ քարտուղարության ղեկավար Լուսինե Թովմասյանը ներկայացրել է համապատասխան խորագրով ելույթ:
- 3) Դեկտեմբերի 14-ին ԱՃԹՆ-ի քարտուղարությունը մասնակցել է «Եվրասիայի և Հարավարևելյան Ասիայի տարածաշրջանային էներգետիկ անցման ճեպագրույց և աշխատաժողով» թեմայով աշխատանքային հեռահար հանդիպմանը¹⁰,
- 4) Դեկտեմբերի 15-ին ԱՃԹՆ-ի մասնակիցները, այդ թվում, ազգային քարտուղարությունը, լիազոր մարմինների և հասարակական կազմակերպությունների ներկայացուցիչները մասնակցել են

⁹ <http://www.foi.am/hy/projects-archive/item/2125/> <http://www.foi.am/hy/projects-archive/item/2125/>

¹⁰ <https://eiti.org/event/eurasia-southeast-asia-regional-energy-transition-briefing-workshop>

«Պատասխանատու ընդերքօգտագործման քաղաքականության ֆորում»-ին¹¹, որը կազմակերպել էր Թրանսփարենսի Ինթերնեշնլ հակակոռուպցիոն կենտրոնը՝ ԱՄՆ ՄՁԳ-ի աջակցությամբ իրականացվող «Պահանջատեր հասարակություն հանուն պատասխանատու կառավարման» ծրագրի շրջանակում: Ֆորումին ազգային քարտուղարության ղեկավար Լուսինե Թովմասյանը ներկայացրել է ելույթ՝ «Պատասխանատու հանքարդյունաբերության զարգացումը ԱՃԹՆ-ի ներքո» թեմայով:

Հաշվետու ժամանակահատվածում ԱՃԹՆ-ի քարտուղարությունը շարունակել է իրականացնել Հայաստանում ԱՃԹՆ-ի ներդրման աշխատանքային ծրագրով սահմանված աշխատանքները, այդ թվում, համակարգել է Հայաստանի ԱՃԹՆ-ի գործընկերների հետ համագործակցությունը: 2021թ. 4-րդ եռամսյակում գործընկերային հարաբերություններն արտահայտվել են հետևյալում.

- Վարվել է թղթակցություն ԱՃԹՆ-ի միջազգային քարտուղարության հետ՝ հայաստանյան ԱՃԹՆ-ի փաստաթղթերի կամ գործընթացների վերաբերյալ միջազգային թիմի կողմից տրամադրվող խորհրդատվության, պարզաբանումների և հայաստանյան քարտուղարության կողմից ըստ պահանջի տրամադրվող տեղեկատվության, հարցադրումների տեսքով,
- Անցկացվել են խորհրդակցություններ Համաշխահային բանկի ծրագրի համակարգողների հետ ՀԲ-ի «Աջակցություն Հայաստանի ԱՃԹՆ-ին. լրացուցիչ ֆինանսավորում» դրամաշնորհային ծրագրի միջոցների օգտագործման համար անհրաժեշտ վարչարարության հետ կապված հարցերի շուրջը: Մասնավորապես, կազմվել է, համաձայնեցվել է դրամաշնորհային ծրագրի գնումների ռազմավարության փաստաթուղթը (PPSD) և 2022թ. հունվարին այն կտեղադրվի ՀԲ-ի STEP համակարգում:
 - 2021թ. հոկտեմբերի 15-ին ԱՃԹՆ-ի խորհրդի նախագահ Հելեն Քլարկին ուղղվել է ՀՀ արդարադատության նախարարի նամակը, որով, ի պատասխան վերջինիս համապատասխան հրավերի, ՀՀ կառավարության անունից համաձայնություն է հայտնվում միանալ ԱՃԹՆ և Օփեն Օուներշիփ (Open Ownership) կազմակերպությունների համատեղ իրականացվող «Արդյունահանող ճյուղերի թափանցիկության ապահովում»/Opening Extractives

¹¹ <https://transparency.am/hy/news/view/3412>

ծրագրին: Մասնակցությունն այս ծրագրին հնարավորություն կտա բոլոր շահառուներին, այդ թվում, ՀՀ կառավարությանը, տեխնիկական աջակցություն ստանալ ԱՃԹՆ-ից, Open Ownership-ից և համագործակցել այլ երկրների գործընկերների հետ:

Պատրաստվել է 2021թ. առաջին կիսամյակի և 3-րդ եռամսյակի ԱՃԹՆ-ի առաջընթացի հաշվետվությունները:

2021թ. դեկտեմբերի 27-ին ԱՃԹՆ-ի քարտուղարության զեկուցագրի և ԲՇԽ-ի համաձայնության հիման ԱՃԹՆ միջազգային քարտուղարությանն է փոխանցվել ԱՃԹՆ-ի տարեկան անդամավճարը՝ 10 հազար ԱՄՆ դոլար գումարին համարժեք ՀՀ դրամի չափով:

2.2. ԱՃԹՆ-ի ստանդարտին համապատասխան ԱՃԹՆ-ի զեկույցի կազմում

Միջոցառում 31-32, 34-35

Հաշվի առնելով այն իրողությունը, որ ԲՇԽ-ի կազմի վերջնական համալրումը փաստացի կկայանա 2022թ. առաջին եռամսյակում, որոշակի միջոցառումներ իրականացվելու են այդ ժամանակ, մասնավորապես.

- ԱՃԹՆ-ի առաջին, երկրորդ, երրորդ զեկույցների արդյունքներով արձանագրված առաջարկությունների, թերությունների և բացերի ճանապարհային քարտեզի նախագծում արձանագրված իրավական և ընթացակարգային բացերի վերացման աշխատանքների քննարկումը ԲՇԽ-ի անդամների և աշխատանքային խմբերի հետ և համապատասխան որոշման կայացումը,
- ԲՇԽ-ի լիազումար նիստում ստորերկրյա հանքային ջրերի արդյունահանման և մետաղական բնական պաշարների վերամշակման ոլորտներում ԱՃԹՆ-ի ստանդարտը տարածելու նպատակահարմարությունը հետազոտող Նախնական ուսումնասիրության եզրահանգումների քննարկումը և համապատասխան որոշման կայացումը:

ԱՃԹՆ-ի չորրորդ՝ 2020թ. հաշվետու տարվա ազգային զեկույցը կազմող անկախ ադմինիստրատորի տեխնիկական առաջադրանքի մշակումը, հաստատումը և ընտրությունը նույնպես տեղափոխվել է 2022թ. առաջին եռամսյակ, քանի որ

որոշակի հանգամանքներ, այն է՝ ԲՇԽ-ի կազմի համալրման անհրաժեշտությունը, ինչպես նաև զեկույցի մշակման ֆինանսավորման աղբյուր հանդիսացող ԱՃԹՆ-ի աջակցման ՀԲ-ի երկրորդ դրամաշնորհի միջոցների օգտագործման վարչարական հարցերը (ֆինանսական միջոցների կառավարման և գնումների մասնագետների վարձումը) լուծում կստանան միայն 2022թ. առաջին եռամսյակում:

2.3. Իրական սեփականատերերի բացահայտման առցանց հանրային ռեգիստրի գործարկում, իրական սեփականատերերի մասին տեղեկատվության հասանելիության ապահովում, հանրային վերահսկողության հնարավորությունների աճ

Միջոցառումներ 42-47

Իրական շահառուների վերաբերյալ հայտարարագրեր ներկայացնող հանքարդյունահանող ընկերություններին ԱՃԹՆ-ի ազգային քարտուղարության կողմից շարունակական խորհրդատվություն է տրամադրվել առցանց հայտարարագրերի ներկայացնելու ընթացքում առաջացող հարցերի և խնդիրների վերաբերյալ:

ԻՇ հայտարարագրման նոր կարգին համապատասխանեցնելու համար իրական շահառուների հայտարարագրման էլեկտրոնային համակարգում անհրաժեշտ փոփոխությունները կատարվել են և այն արդեն ապահովում է նոր կարգով առցանց հայտարարագրերի ընդունումը:

ԱՃԹՆ-ի ստանդարտի իրական շահառուների 2.5-րդ պահանջի վավերացման գնահատականի փաստաթղթով ԱՃԹՆ-ի միջազգային քարտուղարության կողմից ներկայացված առաջարկների անդրադարձը և քննարկումները տեղափոխվել են 2022թ. առաջին կիսամյակ՝ ԲՇԽ-ի համալրված կազմով քննարկելու համար:

2.4. Հայաստանի ԱՃԹՆ-ի շրջանակի ընդլայնում, ԱՃԹՆ-ի ստանդարտի ներդրման շրջանակի ընդլայնման վերաբերյալ ԲՇԽ-ի որոշման դեպքում՝ ՀՀ իրավական դաշտի համապատասխանեցում

Միջոցառումներ 48-52

Հաշվի առնելով այն իրողությունը, որ ԲՇԽ-ի կազմի վերջնական համալրումը փաստացի կկայանա 2022թ. առաջին եռամսյակում, ԲՇԽ-ի լիազումար նիստում ստորերկրյա հանքային ջրերի արդյունահանման և մետաղական բնական պաշարների վերամշակման ոլորտներում ԱՃԹՆ-ի ստանդարտը տարածելու նպատակահարմարությունը հետազոտող Նախնական ուսումնասիրության եզրահանգումների քննարկումը և համապատասխան որոշման կայացումը կկայանա 2022թ. առաջին եռամսյակում:

**3. ԱՃԹՆ-ի տվյալների համակարգված բացահայտումների
ապահովում, ԱՃԹՆ-ի ԲՇԽ-ի և շահառուների
կարողությունների հզորացում**

Միջոցառումներ 53-58

ԱՃԹՆ-ի տվյալների համակարգված բացահայտումների իրավական, ինստիտուցիոնալ և տեխնիկական հնարավորությունների ուսումնասիրության տեխնիկական առաջադրանքի մշակումը և ուսումնասիրություն իրականացնող կազմակերպության ընտրությունը տեղափոխվել են 2022թ. որոշակի հանգամանքների, մասնավորապես, աշխատանքների ֆինանսավորման աղբյուր հանդիսացող՝ ԱՃԹՆ-ին աջակցության ՀԲ-ի երկրորդ դրամաշնորհի վարչարարական հարցերի կազմակերպման, ինչպես նաև ԲՇԽ-ի կազմի համալրման անհրաժեշտությամբ: Որոշակիորեն հետաձգվել են նաև 2021-2022թթ. աշխատանքային ծրագրի այս բաժնի աշխատանքների կատարումը:

2021-22թթ աշխատանքային ծրագրով նախատեսված կարողությունների հզորացման միջոցառումներ 2021թ. չորրորդ եռամսյակում տեղի չեն ունեցել: Ելնելով COVID-19 համավարակով պայմանավորված իրադրությունից՝ ԲՇԽ-ի և շահառուների կարողությունների հզորացման առկա միջոցառումները պլանավորվում է կազմակերպել 2022 թվականին:

4. Պատասխանատու հանքարդյունաբերության գործելաոճի ներդրում

Միջոցառումներ 68-71

Պատասխանատու հանքարդյունաբերության զարգացման հարցերի շրջանակը, ի թիվս այլոց, ներառված է ՀԲ-ի ֆինանսավորմամբ և Տարածքային կառավարման և ենթակառուցվածքների նախարարության պատվերով Գրանթ Թորնթոն խորհրդատվական ընկերության կողմից ներկայումս մշակվող Հայաստանի «Հանքարդյունաբերության ոլորտի զարգացման ռազմավարության» փաստաթղթում: Նշված փաստաթղթի՝ 2021թ. 4-րդ եռամսյակում կայացած աշխատանքային քննարկումներին ԱՃԹՆ-ի ԲՇԽ-ի անդամները և ազգային քարտուղարության ներկայացուցիչները ակտիվ մասնակցություն են ունեցել՝ բանավոր և գրավոր ներկայացնելով իրենց դիտարկումները ներկայացված մոտեցումների և նախագծերի վերաբերյալ:

2021-22թթ. աշխատանքային ծրագրի այս բաժնի աշխատանքները հետագայում կպայմանավորվեն նաև «Հանքարդյունաբերության ոլորտի զարգացման ռազմավարության» վերջնական ընդունվելիք փաստաթղթի մոտեցումներով:

ԱՃԹՆ-ի աշխատանքային ծրագրի 2021 թվականի 4-րդ կատարողականը

ԱՃԹՆ-ի ստանդարտի պահանջը	Հ/Հ	Միջոցառում	Արդյունքը	Պատասխանատուն	Ժամկետները	Նշումներ
Հասանելի և արդիական տեղեկատվության ապահովում						
7.2	1	ԱՃԹՆ կայքի համալրում արդիական տեղեկատվությամբ	Կայքում հրապարակված զեկույցներ, հաշվետվություններ, տեսագրություններ, հոլովակներ, իրավական ակտեր, նորություններ	ՀՀ վարչապետի աշխատակազմ/Հ-ԱՃԹՆ քարտուղարություն, ԲՇԽ	2021 2022	
7.2	2	ԱՃԹՆ-ի կայքի ընթացիկ սպասարկում, ԱՃԹՆ-ի հրապարակային հաշվետվությունների առցանց ներկայացման հարթակի զարգացման աշխատանքներ	Կայքի և հաշվետվությունների առցանց հարթակի անխափան աշխատանք	ՀՀ վարչապետի աշխատակազմ/Հ-ԱՃԹՆ քարտուղարություն, սպասարկող կազմակերպություն	2021 2022	

7.1	3	Հայաստանում ԱՃԹՆ-ի ներդրման և հանքարդյունաբերության ոլորտի վերաբերյալ տեղեկատվության մատչելի լեզվով հրապարակում և տպագրում, սոցիալական գովազդի պատրաստում	տեղեկատվական թերթիկներ, ինֆոգրամներ, ԱՃԹՆ-ի եռամսյակային և տարեկան հաշվետվություններ, ԱՃԹՆ-ի զեկույց, զեկույցի սեղմագիր, տեղեկատվական տեսահոլովակներ	ԲՇԽ, ՀՀ վարչապետի աշխատակազմ/Հ-ԱՃԹՆ քարտուղարություն	2021 2022	
7.1	4	ԱՃԹՆ-ի գործընթացների և արձանագրված արդյունքների վերաբերյալ հանրային հրազեկում և լուսաբանում (Media, TV, YouTube, Twitter, facebook և այլն)	Տարբեր սոցիալական ցանցերում հանքարդյունաբերության և ԱՃԹՆ-ի վերաբերյալ հրապարակված տեղեկատվություն	ԲՇԽ, ՀՀ վարչապետի աշխատակազմ/Հ-ԱՃԹՆ քարտուղարություն	2021 2022	
7.1	5	Հայաստանի ԱՃԹՆ-ի հաղորդակցության ռազմավարության և գործողությունների ծրագրի վերանայում	Վերանայված ԱՃԹՆ-ի հաղորդակցության ռազմավարություն և գործողությունների ծրագիր, վերաբրենդավորում	ՀՀ վարչապետի աշխատակազմ/Հ-ԱՃԹՆ քարտուղարություն, ԲՇԽ	Q3, Q4, 2021 Q1, 2022	Հաշվետու ժամանակահատվածում միջոցառման աշխատանքները չեն սկսվել:

7.2	6	ԱՃԹՆ-ի հրապարակային հաշվետվությունների առցանց ներկայացման խորհրդատվություն	ԱՃԹՆ-ի առցանց հաշվետվությունների հարթակում հրապարակված հաշվետվություններ	ՀՀ վարչապետի աշխատակազմ/Հ-ԱՃԹՆ քարտուղարություն	2021 2022	
7.1	7	Իրազեկվածության բարձրացման միջոցառումների, շահառուների հետ աշխատանքային հանդիպումների իրականացում	Հանդիպումներ, այդ թվում՝ մարզային և համայնքային շահառուների. կրթական հաստատությունների և լայն հասարակայնության խմբերի հետ	ԲՇԽ, ՀՀ վարչապետի աշխատակազմ/Հ-ԱՃԹՆ քարտուղարություն	2021 2022	
7.1	8	ԱՃԹՆ-ի 3-րդ՝ 2019 ֆինանսական տարին ներկայացնող ազգային զեկույցի պաշտոնական ներկայացում/ կոնֆերանս	ԱՃԹՆ-ի կոնֆերանս (առկա կամ առցանց)	ԲՇԽ, ՀՀ վարչապետի աշխատակազմ/Հ-ԱՃԹՆ քարտուղարություն	Q2, 2021	

7.2	11	<p>«Հանքարդյունաբերության ոլորտում թափանցիկ և հաշվետու կառավարման խթանում» ԱՄՆ ՄԶԳ դրամաշնորհային ծրագրի շրջանակում հանքարդյունաբերության և ԱՃԹՆ-ի վերաբերյալ տեղեկատվական/ ճանաչողական նյութերի ստեղծում և տարածում</p>	<ul style="list-style-type: none"> • Բնապահպանական և սոցիալական մոնիտորինգի ձեռնարկ հանրային վերահսկողություն իրականացնելու համար, • Հանքարդյունաբերության վերաբերյալ տեղեկատվական առցանց հարթակ, • Չաշխատող հանքարդյունաբերական ընկերությունների պատասխանատվության վերաբերյալ ուսումնասիրություն • Հետաքննական նյութեր /տեսանյութեր, հոդվածներ/ 	<p>Թրանսփարենսի հնթերնեշլ հակակոռուպցիոն կենտրոն ՀԿ, Հայաստանի ամերիկյան համալսարանի Պատասխանատու հանքարդյունաբերության կենտրոն, Էկոլուր տեղեկատվական ՀԿ, Հետաքննող լրագրողներ ՀԿ</p>	Q2, Q3, 2021	
-----	----	--	--	---	--------------	--

	12	«Հանքարդյունաբերության ոլորտում թափանցիկ և հաշվետու կառավարման խթանում» ԱՄՆ ՄԶԳ դրամաշնորհային ծրագրի շրջանակում հանքարդյունաբերության և ԱՃԹՆ-ի վերաբերյալ հանրային հրազեկության բարձրացում/ քննարկումներ, մասնավորապես՝ ազդակիր համայնքներում	Հանքարդյունաբերության և ԱՃԹՆ-ի վերաբերյալ դասընթացներ ԲՀԿ-ների համար, քննարկումներ շահագրգիռ խմբերի հետ, հանդիպումներ ազդակիր համայնքների ներկայացուցիչների հետ	Թրանսփարենսի հնթերնեշլ հակակոռուպցիոն կենտրոն ՀԿ, Հայաստանի ամերիկյան համալսարանի Պատասխանատու հանքարդյունաբերության կենտրոն, Էկոլուր տեղեկատվական ՀԿ	Q2, Q3, 2021	
Հաշվետվողականության և հանրային վերահսկողության բարձրացում, կոռուպցիոն ռիսկերի նվազեցում						
Հայաստանի ԱՃԹՆ-ի անդամակցության կարգավիճակի պահպանում						
7.3 7.4	13	ԱՃԹՆ 1-ին և 2-րդ զեկույցներում արձանագրված՝ մետաղական հանքարդյունաբերության ոլորտի հրավական և ընթացակարգային բացերի վերացման աշխատանքների	Ճանապարհային քարտեզի նախագիծ	ՀՀ վարչապետի աշխատակազմ/Հ-ԱՃԹՆ քարտուղարություն	Q1, Q2, 2021	

		ճանապարհային քարտեզ մշակում			
	14	ԲՇԽ-ի կողմից ճանապարհային քարտեզի հաստատում	Ճանապարհային քարտեզ	ԲՇԽ, ՀՀ վարչապետի աշխատակազմ/Հ-ԱՃԹՆ քարտուղարություն	Q2, 2021 Նախատեսվում է 2021 թվականի 4-րդ եռամսյակում
	15	ԲՇԽ-ի աշխատանքային խմբերի ձևավորում՝ ճանապարհային քարտեզում ամրագրված բացերին անդրադառնալու համար	աշխատանքային խմբեր	ԲՇԽ, ՀՀ վարչապետի աշխատակազմ/Հ-ԱՃԹՆ քարտուղարություն, պետական շահագրգիռ մարմիններ	Q2, 2021
	16	Ճանապարհային քարտեզում արձանագրված բացերի վերացման աշխատանքներ՝ ըստ աշխատանքային խմբերի	աշխ. խմբերի հանդիպումներ, քննարկումներ, առաջարկություններ, իրավական ակտերի նախագծեր	ԲՇԽ-ի աշխատանքային խումբ, պատկան մարմիններ, ՀՀ վարչապետի աշխատակազմ/Հ-ԱՃԹՆ քարտուղարություն	Q2, Q3, Q4 - 2021 2022
1.4	17	ԲՇԽ-ի նիստերի անցկացում	ԲՇԽ-ի նիստեր	ԲՇԽ, ՀՀ վարչապետի աշխատակազմ/Հ-ԱՃԹՆ քարտուղարություն	Q2, Q3, Q4 - 2021 Q1, Q2, Q3, Q4 - 2022 Հաշվետու ժամանակահատվածում ԲՇԽ-ի նիստեր չեն անցկացվել: ԲՇԽ-ի որոշումները կայացվել են ԲՇԽ-ի

						աշխատակարգով սահմանված կարգով՝ էլեկտրոնային եղանակով:
1.4	18	ԲՇԽ-ի աշխատանքային խմբերի հանդիպումների անցկացում	հանդիպումներ	ԲՇԽ-ի աշխատանքային խմբեր, ՀՀ վարչապետի աշխատակազմ/Հ- ԱՃԹՆ քարտուղարություն	2021 2022	
1.4	19	ԲՇԽ-ի նոր անդամների ներկայացում և ԲՇԽ-ի կազմի հաստատում	ՀՀ վարչապետի որոշում, ԲՇԽ	ԲՇԽ-ի խմբակցություններ, ԲՇԽ, ՀՀ վարչապետի աշխատակազմ/Հ- ԱՃԹՆ քարտուղարություն	2021 Q4, 2022	
	21	ԱՃԹՆ խորհրդի նիստերին և կոնֆերանսների մասնակցություն	ԱՃԹՆ-ի խորհրդի նիստեր	ԲՇԽ, ՀՀ վարչապետի աշխատակազմ/Հ- ԱՃԹՆ քարտուղարություն	2021 2022	
1.5	22	Հայաստանի ԱՃԹՆ-ի 2020թթ. աշխատանքային ծրագրի	Հայաստանի ԱՃԹՆ-ի 2020թթ. աշխատանքային ծրագրի կատարողական	ԲՇԽ, ՀՀ վարչապետի աշխատակազմ/Հ- ԱՃԹՆ քարտուղարություն	Q2, 2021	

		կատարողականի կազմում և հաստատում				
1.5	23	ԱՃԹՆ-ի 2021-2022թթ. աշխատանքային ծրագրի մշակում և հաստատում	ԱՃԹՆ-ի 2021-2022թթ. աշխատանքային ծրագիր	ԲՇԽ, ՀՀ վարչապետի աշխատակազմ/Հ-ԱՃԹՆ քարտուղարություն	Q1, Q2, 2021	
	24	Գործընկեր և դոնոր կազմակերպությունների հետ համագործակցություն	Դոնոր կազմակերպությունների հետ հանդիպումներ	ԲՇԽ, ՀՀ վարչապետի աշխատակազմ/Հ-ԱՃԹՆ քարտուղարություն	2021 2022	
	25	Հայաստանի ԱՃԹՆ-ի քարտուղարության աշխատանքների ընթացք	Հայաստանի ԱՃԹՆ-ի իրականացման փաստաթղթեր, հաշվետվություններ, աշխատանքային ծրագրեր, հանդիպումներ, աջակցություն ԲՇԽ-ին, տեղական և միջազգային համագործակցություն, խորհրդատվության տրամադրում, պետական բյուջեի փաստաթղթերի և հաշվետվությունների կազմում, գնումների գործընթացի ապահովում	ՀՀ վարչապետի աշխատակազմ/Հ-ԱՃԹՆ քարտուղարություն	2021 2022	

1.4 7.4	26	ՀՀ ԱՃԹՆ-ի 2020թ. տարեկան հաշվետվության կազմում և հաստատում	ՀՀ ԱՃԹՆ-ի 2020 տարեկան հաշվետվություն	ԲՇԽ, ՀՀ վարչապետի աշխատակազմ/Հ-ԱՃԹՆ քարտուղարություն	Q2 - 2021	
1.4 7.4	27	ՀՀ ԱՃԹՆ-ի եռամսյակային հաշվետվությունների կազմում և հաստատում	եռամսակային հաշվետվություններ	ԲՇԽ, ՀՀ վարչապետի աշխատակազմ/Հ-ԱՃԹՆ քարտուղարություն	Q1, Q2, Q3, Q4, 2021 Q1, Q2, Q3, Q4, 2022	
1.4	28	Համագործակցություն ԱՃԹՆ-ի միջազգային քարտուղարության և այլ ԱՃԹՆ-ի անդամ երկրների հետ	Նամակագրություն, հանդիպումներ, կոնֆերանս զանգեր, միջազգային աշխատանքային խմբերի առցանց հանդիպումներ	ԲՇԽ, ՀՀ վարչապետի աշխատակազմ/Հ-ԱՃԹՆ քարտուղարություն	2021 2022	
	29	ԱՃԹՆ-ի անդամավճարի վճարում		ՀՀ վարչապետի աշխատակազմ/Հ-ԱՃԹՆ քարտուղարություն	Q3, 2021 Q3, 2022	
ԱՃԹՆ-ի ստանդարտին համապատասխան ԱՃԹՆ-ի զեկույցի կազմում						
4.8	30	Հայաստանի ԱՃԹՆ-ի երրորդ՝ 2019թ. հաշվետու տարվա զեկույցի մշակում	ԱՃԹՆ-ի զեկույցի նախագիծ, ԱՃԹՆ-ի զեկույց, ամփոփ տվյալների ձևաչափ	Անկախ ադմինիստրատոր, ԲՇԽ, ՀՀ վարչապետի աշխատակազմ/Հ-ԱՃԹՆ քարտուղարություն	Q4, 2020 - Q2, Q3, 2021	

<p>7.3 7.4</p>	<p>31</p> <p>ԱՃԹՆ-ի երրորդ՝ 2019թ.-ի զեկույցի ներկայացման արդյունքներով արձանագրված (այդ թվում, ԱՃԹՆ-ի միջազգային քարտուղարության կողմից) առաջարկությունների, թերությունների և բացերի քննարկում ԲՇԽ-ի կողմից՝ առաջարկություններն իրականացնելու եղանակները որոշելու և անհամապատասխանությունները վերացնելու համար</p>	<p>Հանդիպումներ, առաջարկություններ, իրավական ակտերի նախագծեր, ԲՇԽ-ի նիստ</p>	<p>ԲՇԽ, ՀՀ վարչապետի աշխատակազմ/Հ- ԱՃԹՆ քարտուղարություն, պատկան մարմիններ</p>	<p>Q3, Q4, 2021</p>	
--------------------	---	--	--	---------------------	--

<p>7.2 7.3</p>	<p>32</p>	<p>Նախնական ուսումնասիրության արդյունքներով ԲՇԽ-ի կողմից ստորերկրյա հանքային ջրերի արդյունահանման և մետաղական բնական պաշարների վերամշակման ոլորտներում ԱՃԹՆ-ի ստանդարտը տարածելու դրական որոշման դեպքում, ինչպես նաև համակարգված բացահայտումները իրականացնելու համար պահանջվող օրենսդրական փոփոխությունների իրականացում</p>	<p>Հանդիպումներ, քննարկումներ, իրավական ակտերի նախագծեր</p>	<p>ԲՇԽ, պատկան պետական մարմիններ, ՀՀ վարչապետի աշխատակազմ/Հ-ԱՃԹՆ քարտուղարություն</p>	<p>Q3, Q4, 2021 Q1, Q2, Q3, Q4, 2022</p>	
<p>7.2 7.3</p>	<p>34</p>	<p>ԱՃԹՆ-ի չորրորդ՝ 2020թ. հաշվետու տարվա ազգային զեկույցը կազմող անկախ ադմինիստրատորի տեխնիկական առաջադրանքի մշակում (ԱՃԹՆ-ի միջազգային</p>	<p>Անկախ ադմինիստրատորի տեխնիկական առաջադրանքի նախագիծ</p>	<p>ԲՇԽ, ՀՀ վարչապետի աշխատակազմ/Հ-ԱՃԹՆ քարտուղարություն</p>	<p>Q3, 2021</p>	

		քարտուղարության անցումային առաջարկությունների ներառմամբ) և հաստատում				
	35	Անկախ ադմինիստրատորի ընտրություն (մրցույթ և հաստատում)	ԱՃԹՆ-ի 2020թ. տարվա ազգային զեկույցի Անկախ ադմինիստրատորի մրցույթի հայտարարություն, մրցույթ, անկախ ադմինիստրատորի հետ կնքված պայմանագիր	ԲՇԽ, ՀՀ վարչապետի աշխատակազմ/Հ-ԱՃԹՆ քարտուղարություն	Q3, Q4, 2021	Անկախ ասմինիստրատորի ընտրության մրցույթի աշխատանքները ընթացիկ ժամանակահատվածում չեն սկսվել:
Իրական սեփականատերերի բացահայտման առցանց հանրային ռեգիստրի գործարկում, իրական սեփականատերերի մասին տեղեկատվության հասանելիության ապահովում, հանրային վերահսկողության հնարավորությունների աճ						
7.1	41	Իրական սեփականատերերի առցանց ռեգիստրի գործարկման հանրային իրազեկման միջոցառում	Մամուլի ասուլիս	ԲՇԽ, ՀՀ վարչապետի աշխատակազմ/Հ-ԱՃԹՆ քարտուղարություն	Q2, 2021	

	<p>42</p> <p>Առցանց ռեգիստրի հարթակում իրական սեփականատերերի հայտարարագրերի լրացման և ներկայացման վերաբերյալ ուսուցում/խորհրդատվություն</p>	<p>Ուսուցում/խորհրդատվություն , ԻՍ առցանց ռեգիստրում հրապարակված հայտարարագրեր</p>	<p>ՀՀ վարչապետի աշխատակազմ/ՀԱԾԹՆ քարտուղարություն, համապատասխան պետական մարմիններ, ռեգիստրը սպասարկող կազմակերպություն</p>	<p>2021 2022</p>	
<p>2.5</p>	<p>43</p> <p>Իրական սեփականատերերի բացահայտման գործընթացի բարելավման նպատակով իրավական ակտերի մշակում</p>	<p>Իրավական ակտերի նախագծեր</p>	<p>Իրական սեփականատերերի բացահայտման ախտանքային խումբ, Արդարադատության նախարարություն, ԲՇԽ, ՀՀ վարչապետի աշխատակազմ/ՀԱԾԹՆ քարտուղարություն</p>	<p>2021 2022</p>	
	<p>44</p> <p>Իրական սեփականատերերի բացահայտման գործընթացի բարելավման նպատակով մշակված իրավական ակտերի հաստատում ԲՇԽ-ի</p>	<p>Իրավական ակտերի նախագծեր</p>	<p>ԲՇԽ, ՀՀ վարչապետի աշխատակազմ/ՀԱԾԹՆ քարտուղարություն, Արդարադատության նախարարություն</p>	<p>2021 2022</p>	

	կողմից և շրջանառված նախագծերի ներկայացում ՀՀ կառավարություն				
45	ԻՍ բացահայտման հանրային առցանց ռեգիստրում հրապարակվող ԻՍ տվյալների մոնիտորինգ, քանակական վերլուծություն, որակական գնահատական՝ ըստ անհրաժեշտության, ինչպես նաև ԻՍ հայտարարագրերի ներկայացման գործընթացի թույլ և ուժեղ կողմերի վերլուծություն	Քննարկումներ, կարծիքներ, վերլուծություն, իրավական ակտերի նախագծեր	ՀՀ վարչապետի աշխատակազմ/ՀԱՃԹՆ քարտուղարություն, համապատասխան պետական մարմիններ, Իրական սեփականատերերի բացահայտման աշխատանքային խումբ	2021 2022	

46	ԱՃԹՆ Ստանդարտի Իրական Սեփականատերերի 2.5 պահանջի վավերացման գնահատականի փաստաթղթով ԱՃԹՆ միջազգային քարտուղարության կողմից ներկայացված առաջարկների անդրադարձը/ հասցեագրում	Քննարկումներ, հանդիպումներ, կարծիքներ, վերլուծություն, լրացուցիչ տեղեկատվության տրամադրում, իրավական ակտերի նախագծեր՝ ըստ անհրաժեշտության	ՀՀ վարչապետի աշխատակազմ/Հ- ԱՃԹՆ քարտուղարություն, համապատասխան պետական մարմիններ, ԻՍ բացահայտման աշխատանքային խումբ	Q2, Q3, Q4 - 2021	
47	Իրական սեփականատերերի բացահայտման առցանց հանրային ռեգիստրի կատարելագործում՝ ըստ անհրաժեշտության	Կատարելագործված առցանց ռեգիստր, ԻՍ հայտարարագրերի առցանց ներկայացման ծրագրային խնդիրների վերացում	ՀՀ վարչապետի աշխատակազմ/Հ- ԱՃԹՆ քարտուղարություն, համապատասխան պետական մարմին, ընտրված կազմակերպություն	2021 2022	
Հայաստանի ԱՃԹՆ-ի շրջանակի ընդլայնում, ԱՃԹՆ-ի ստանդարտի ներդրման շրջանակի ընդլայնման վերաբերյալ ԲՇԽ-ի որոշման դեպքում՝ ՀՀ իրավական դաշտի համապատասխանեցում					
48	Հայաստանում ԱՃԹՆ-ի շրջանակի ընդլայնման վերաբերյալ Անկախ Ադմինիստրատորի կազմած Նախնական ուսումնասիրության կազմում	Նախնական ուսումնասիրություն, ԲՇԽ որոշում	ԲՇԽ, ՀՀ վարչապետի աշխատակազմ/Հ- ԱՃԹՆ քարտուղարություն, Անկախ ադմինիստրատոր	Q2, Q3 , 2021	

7.3	49	Հայաստանում ԱՃԹՆ-ի շրջանակի ընդլայնման վերաբերյալ Անկախ Ադմինիստրատորի կազմած Նախնական ուսումնասիրության քննարկում, շրջանակի ընդլայնման նպատակահարմարության վերաբերյալ որոշման կայացում	հանդիպումներ, քննարկումներ, կարծիքներ, ԲՇԽ որոշումներ	ԲՇԽ, ՀՀ վարչապետի աշխատակազմ/Հ-ԱՃԹՆ քարտուղարություն, Անկախ ադմինիստրատոր	Q2, Q3, 2021	
	50	ԱՃԹՆ-ի շրջանակի ընդլայնման վերաբերյալ ԲՇԽ-ի դրական որոշման դեպքում՝ համապատասխան քննարկումներ շահառուների (ընկերությունների, պետական մարմինների ներկայացուցիչներ, այլք) հետ	հանդիպումներ, քննարկումներ	ԲՇԽ, ՀՀ վարչապետի աշխատակազմ/Հ-ԱՃԹՆ քարտուղարություն, պատկան մարմիններ, ԲՇԽ-ի աշխատանքային խումբ	Q3, Q4, 2021	Կախված 49-րդ միջոցառման արդյունքից՝ սույն միջոցառման իրականացման անհրաժեշտություն չի առաջացել:
ԱՃԹՆ-ի տվյալների համակարգված բացահայտումների ապահովում, ԱՃԹՆ ԲՇԽ-ի և շահառուների կարողությունների հզորացում						

4.8/4.9	53	ԱՃԹՆ-ի տվյալների համակարգված բացահայտումների իրավական, ինստիտուցիոնալ և տեխնիկական հնարավորությունների ուսումնասիրության տեխնիկական առաջադրանքի մշակում և հաստատում (ներառյալ՝ ինքնաշխատ բաց տվյալներ գեներացնող պորտալի/ԱՃԹՆ պաշտոնական կայքի/ և պատկան պետական մարմինների կայքէջերում բաց տվյալների սկզբունքով կանոնավոր հրապարակումների իրականացնելու հնարավորությունները)	տեխնիկական առաջադրանք	ԲՇԽ, ՀՀ վարչապետի աշխատակազմ/Հ-ԱՃԹՆ քարտուղարություն	Q1, Q2, 2021	
	54	Ուսումնասիրությունն իրականացնող կազմակերպության ընտրություն	պայմանագիր	ԲՇԽ, ՀՀ վարչապետի աշխատակազմ/Հ-ԱՃԹՆ քարտուղարություն	Q2, 2021	Համաշխարհային բանկի «Աջակցություն Հայաստանի ԱՃԹՆ-ին»

	55	Ուսումնասիրության իրականացում և ներկայացում՝ ԲՇԽ-ի հաստատման համար	Ուսումնասիրություն	կատարող կազմակերպություն, ՀՀ վարչապետի աշխատակազմ/ՀԱՃԹՆ քարտուղարություն, ԲՇԽ	Q2, Q3, 2021	դրամաշնորհային ծրագրի գործողության ժամկետում միջոցառումը հնարավոր չի եղել իրականացնել: Այն կիրականացվի մինչև 2022թ. 2-րդ եռամսյակը ընկած ժամանակահատվածում:
Պատասխանատու հանքարդյունաբերության գործելաոճի ներդրում						
7.4	68	Պատասխանատու հանքարդյունաբերության գործելաոճի ներդրմանն աջակցության Ճանապարհային քարտեզի գործողությունների իրականացում	Ճանապարհային քարտեզի միջոցառումներ	ԲՇԽ, ՀՀ վարչապետի աշխատակազմ/ՀԱՃԹՆ քարտուղարություն, ԲՇԽ-ի աշխատանքային խումբ, պետական մարմիններ	2021 2022	

69	Պատասխանատու հանքարդյունաբերության գործելաոճի ներդրմանն աջակցության աշխատանքային խմբի հանդիպումների անցկացում, առաջարկությունների ներկայացում, օրենսդրական բարեփոխումների առաջարկություններ	հանդիպումներ, առաջարկություններ, իրավական ակտերի նախագծեր	ԲՇԽ, ՀՀ վարչապետի աշխատակազմ/ՀԱՃԹՆ քարտուղարություն, ԲՇԽ-ի աշխատանքային խումբ, պետական մարմիններ	2021 2022	
70	Հանքարդյունաբերության ռազմավարության մշակմանը մասնակցություն	ԲՇԽ-ի աշխատանքային խմբի հանդիպումներ, առաջարկություններ, կարծիքներ	ԲՇԽ, ՀՀ վարչապետի աշխատակազմ/ՀԱՃԹՆ քարտուղարություն, ԲՇԽ-ի աշխատանքային խումբ, պետական մարմիններ	Q2, Q3, Q4 , 2021 Q1, Q2, 2022	
71	Պատասխանատու հանքարդյունաբերության մշակույթի ներդրման Ճանապարհային քարտեզի լրամշակում	լրամշակված ճանապարհային քարտեզ	աշխատանքային խումբ, ՀՀ վարչապետի աշխատակազմ/ՀԱՃԹՆ քարտուղարություն	Q2, 2021, Q2, 2022	

Միջոցառումների կարգավիճակը
Իրականացված
Ընթացիկ
Չսկսված
Չիրականացված